



Kommune Qeqertalimmi Inuit Ataqtigiit Atassullu politikikkut suliassatut pingaartitat angunigassaallu 2021-2025;

Kommune Qeqertalik aqutsinikkut nutaaliorsuq, allaffissornikkut aqutsineq pisariitsoq innuttaasunut qanilartoq peqataasitsisoq, saaffigiuminartorlu, kalaallit ileqqutsinnut kulturitsinnut naleqquttoq, nunarsuarmioqataansinnillu peqataanermik ilisarnaatilimmik ineriartortitsinerput nangeqqissavarput.

Ataqqeqatigiinneq akaareqatigiinneq tatigeqatigiinneq kaammatoqatigiinneq peqataatitsineq peqataaneq inussiarnersuuneq ammasumik unneqarissumik pissuserissaarnermik ileqqorissaarnermillu ingerlatseriaaseqarneq pingaartillugit anersaaralugillu.

1. 2017-miit 2021-mut suliassatut pingaartitat anguniagassallu pioreersut aallartisarneqareersimasullu naammassineqarsimangitsut inarneqassapput

2. Allaffissornikkut eqaallisaaneq nukittorsaanerlu: Qullersaqarfimmi naginneqassooq

Kommune Qeqertalimmi aqutsinikkut innuttaasunut qanittumik aaliangiisinaanerup siammarsimaneq nukittorsaqqissavarput, illoqarfikkaanik pisortat pisinnaatitaaffi ersarissarneqassapput, qullersaqarfimmilu pisortanut ikorfartortaasut (fagkordinatorit) akissusaaffiinik annertusaanikkut, pisinnaatitaaffii qaffassarneqarlutillu nukittorsarneqassapput.

Taassuma saniatigut atuarfeqarfiit aamma ataatsimut aqutsisulerneqassapput akissusaasulerlugit kordinatorip piginnaatitaaffiissa akissusaaffiisalu qaffanneqarneratigut.

Sulisut peqatigilluinnarlugit isumasioqatigalugillu misissorneqassaaq Meeqqat atuarfiat qanoq pitsaanerumik ineriartortinneqarsinnaanersoq.

Ataatsimiititaliat tamarmik immikkut allaffissornikkut allatseqarnikkullu nukittorsarneqassapput.

Allaffissornikut sulisoqarnikkullu nukittorsaaneq eqaallisaanerlu atorfilittat peqatigilluinnarlugit ingerlanneqarnissaa siunniunneqarpoq.

3. Sulisoqarnikkut nukittorsaaneq – suliffigissaaneq: Illoqarfinni nunaqarfinnilu tamani

Paaseqatigiissutigalugu immikkoortortarfiit ilaanni, pikkorissartarnerit, pikkorissariaqartarnerit, qaffaassaasarnerrillu ingerlanneqartaraluartut, tamaattoq tamani ingerlanneqartannginnera nassuerutigalugu anguniarneqassaaq piffinni immikkoortaqarfinnilu tamani sulisunik pikkorisaasarnerrit, pikkorissariaqartarnerit, qaffaassaasarnerrit, paasisassarsiorlunilu angalasarnerrit inerisarneqarlutillu nukittorsarneqassasut isumaqatigiissutigineqarpoq

Kattuffiit suleqatigalugit isumaqatigiissutit malillugit atorfilittanik, sulisunillu akissaasersuineq, assersuutigalugu isumaginnittoqarfiup iluanni sullissisut, ilinniarsimasuuppata ilinniarsimannippataluunniit suliat pillugit tapit atuutsinneqarnissaanik anguniagaqarnissaq.

4. Isumassuinikkut isumaginnikkullu nukittorsaaneq:

Meeqqanut inuusuttuaqqanut, inersimasunut, angajoqqaanut utoqqanut innarluutilinnullu ikiorneqarnissaminnik pisariaqartitsisunut sullissinerup ingerlareersup nangillugu nukittorsaqqinnissaa sulissutigissavarput.

Taasuma sanatigut meeqqanut inuusuttuaqqanut, inersimasullumi tarnimikkut illoqissuteqartunut sullissinerup pitsanngorsarneqarnissaa nukittorsarneqarnissaalu siunertaralugu Ilaqutariit illuisa saniatigut qitusoqarfinni Kommune Qeqertalimmi Qaammaavik qullersaqarfittut piorsarnissaa siunniunneqarpoq.

Qaammaaviup qullersaqaffia pilersinneqarpat oqartussaaffinni allani ingerlanneqartut qanimut suleqatigineqarnissaat sulissutigissavarput, tarnillu pissusaaanik ilisimasaqartut amerlanerit atorfinitsissinnaaqullugit Namminersorlutik Oqartussat suliffeqarfiutaat peqatigalugit soorlu GUX, Allorfik, kommunip siunnersuisarfia MISI aamma peqatigalugit suleqatigalugit ataatsimuulersinnaanerit anguniarneqassalluni. Tamatuma saniatigut Qallunaat Naalagaaffiata suliffeqarfiutaat politeeqarfiit eqqartuussiveqarfiillu qanimut suleqatiginissaat aamma anguniarneqassaaq.

Ikiarornartumik imigassamillu ajornartorsiuteqartut inuusussigaluttuinnartut ikilisarniarlugit hash psykoseqalersartullu amerliartornerat unitsinniarlugu oqartussaaffiit Peqqinnissaqarfik aamma Politeeqarfiit qanimut suleqatigineqarnissaat nukittorsarneqassaaq.

5. Atuarfeqarnikkut ilinniartitaanikkullu inerisaaneq:

Imminut pilersulernissamat, inuttullu kiffaangissuseqalernissamat tunngaviliisuulluinnaaqqissaarput atuarfeqarneq ilinniartitaanerlu. Ukiuni kingullerni Qeqertalimmi piffiit ilaanni angusatigut pitsaavallanngitsumik angusaqartarsineq nassuerutigalugu, atuarfeqarnikkut ilinniartitaanikkut nukittorsaanissaq pitsanngorsaanissarlu isumaqatigiissutigineqarpoq; sakkussat ilagaat atuarfeqarnerup iluani ataqatigiissaarisup piginnaatitaaffiatigut qaffaanikkut akisussaaffimik annerusumik tunniussaqaarnikkut – Kommune Qeqertalimmi atuarfeqarnikkut akisussaasunngortitsinikkut.

Kiffartuussilluni sullissinermi suliaqartartut ilinniarsimannngitsut eqqarsaatigalugit tunngaviusumik ilinniartitsineq naleqquttoq allagartamik angusaqarfiusoq, Kommuunimi Majoriaq aqutigalugu periarfissiuunnissaa misissorneqassasoq isumaqatigiissutaavoq.

Ilinniagaq - isit, assaat, oqaluttuarneq misileraanerlu atorlugit ingerlanneqarsinnaasoq.

- Angerlarsimaffimmi ikiortit
- Unnuisarfinni neriniartarfinnilu ikiortit
- Utoqqaat illuini najugaqatigiiffinnilu ikiortit tapersorsortit
- Suliffeqarfinni assigiinngitsuni assassorlutik ikiortit (Handyman / Pedel)
- Nunaqarfinni kiassaaserinermik assigisaannillu suliaqartartut ungasissumiik ilitersorneqarlutik sulisinneqarsinnaasut (Savequserisut).
- Eqqiaanermik suliaqartartut

Ilinniartitsineq inuttut naleqassusermik pingaartitsilluni pilersinniarneqartussaq, aalaakkaasumik suliffeqarsinnaanermut aqutissiuussisinnaasoq.

Kommune Qeqertalimmi tamani inuusuttut 18-niniit 30-vit angullugit ukiuilinnik suliffissarsiortoqannginnissaa qulakkerniarneqassooq, suliffissarsiorlutik saaffiginnittut ingerlaannartumik ilinniagaqalernissaannik aqutissiuunneqarlutik suliffissamilluunniit innersuunneqarnissaannik suliniarfigineqartassapput.

Innuttaasut inuttut inuuneq pillugu nunaqqatigiittullu ataatsimoorussat pillugit naligiittut oqaloqatigiillutik avitseqatigiillutik sammisaqarlutillu atugassaat ”Innuttaasut Illuat” anguniarneqassasoq isumaqatigiissutaavoq. Inuttut misilittakkanik tunngaveqarluni qaammarsaqatigiilluni siuarsarneq, ilaatigut isiginnaartitsinerit aqutigalugu paqumigisatut inissisimasunik takusassiorluni sunngiusarfissaq sulianillu saqqummiiffigineqarsinnaasusaaq illu innuttaasuniit / peqatigiiffinniit immersorneqartusaaq.

Islandimi periusaasup paasisassarsiorfiginissaa isumassarsiorfiginissaalu ilaattut isumaqatigiissutigineqarpoq. Politikerit atorfilittallu peqataatinneqassapput.

Heldagsskole meeqqanut innarluutilinnut ass. ADHD / Autisme-Linnut, taakkualu saniatigut immikkut atuartunut annernut 8 - 10 klasse-nut neqeroorutitalik taaguutilimmit OCN (Open Collage Network) maannakkut Kommune-ni Heldagsskoleqarfiusuni eqqunneqartup atuutsinneqalersullu aamma mani Kommune Qeqertalimmi Pilot Projekt-tut atuutsinneqalernissaanut misissuisoqassooq.

Meeqqat atuarfiat pillugu ukiuni tulliuuttuni tallimani siunniunneqartoq ”Siunnerfik” nageqqissallugu isumaqatigiissutigineqarpoq.

6. Meeqqat isumassorneqarnerat pitsaasoq.

Meeqqat sapinngisamik pitsaasumik isumagilluarneqarnissaat qulakkerniarlugu meeraqquerivinni, meeqquerivinni, meeqqat atuarfiini, meeqqallu sungiffimminni ornittagaanni qanimut suleqatigiittoqassaaq ajornartorsiutinik malussarnerit siulliit suligasuarnerit aallartissinnaatillugit.

Qulakkerneqassaarlu meeqqanut sammisassat timikkut anersaakkullu peqqinnartut ineriartortittuarneqarnissaat.

Meeqquerivimmiit meeqqat atuarfianut ikarsarnermi pitsaasumik atugassaqartitsinissaaq qulakkerniarneqassooq.

Meeqquerivinnut assigiimmik akeqartitsiinerup Kommune Qeqertalimmi atuutilersinneqarsinnaanersoq misissorneqarnissaa siunniunneqartoq.

7. Inuussutissarsiorneq takornariaqarnerlu.

Kommune Qeqertalimmi inuussutissarsiuutit pioreersut piuarnissaat illersortuarnissaat, ineriartortitsittuarnissaallu suleqatigiit pingaartillugu isumaqatigiissutigaaq. Aammattaaq inuussutissarsiorneqarnerit periarfissanik allanik nutaanik ujartuisoqarnissaa pingaaruteqartoq isumaqatigiissutigineqarpoq takornariaqarnerit piffinni tamani; Qeqertalik Business Councilip aamma Destination Disco Bay nukittorsarneqarnissaat inerisarneqarnissaat peqatigilluinnarneqarnissaallu isumaqatigiissutigineqarpoq.

Nunatta nalittalu pissarisitaanik tunisassiulersinnaanerup tunisassiornissamik suliaqartut soqutigisaqartullu suleqatigalugit annertusarnissaat misissorneqassapput.

Ilulissat mittarfiata tallilerneqarnissaanut piareersarnerit aallartinneqassasut takornariaqarnerit periarfissaasinnaasunik inerisaanissaaq pimoorunneqassooq.

Kulturip takornariaqarnermi inuutissarsiornermi ilaalernissaa siunertaralugu Kommune Qeqertalimmi kulturcentereqalernissaa Aasianni Katersortarfiutiqatigiit suleqatigalugit suliaq tapersersussuarput, tamatumanilu Namminersorlutik Oqartussat qanimut suleqatiginissaat sulissutigalugu.

Kommune Qeqertalimmit amminik tigoraavinnik pilersitsiortornissaq anguniarneqassasoq isumaqatigiissutigineqarpoq.

8. Aalisartut piniartullu.

Kommune Qeqertalimmi inuussutissarsiutit pingarnerit ilagaat aalisarnej piniarnerlu, tamanna tungavigalugu Kommune Qeqertalimmi illoqarfinni nunaqarfinnilu aalisartunut piniartunullu umiatsiararsortunullu atugassarititaasut pitsangorsarneqarnerat nangissavarput.

Kalaalimineerniarfeqarnikkut umiatsialiveqarnikkut qaqitsiveqarnikkut neqitsersuiffeqarnikkullu tulleriisarinikkut pitsanngorsaasoqassalluni.

Qimmeq qimuttoqarfimmiuuneq pingartinneqassaaq – ileqqoreqqusat, illoqarfiup iluani qimussit aqputaasa nalunaasorneqarneri, qimmiliviit nakkutigiuminarsarneri, imiisiviillu pilersinneqarneri aqputigalugit

Qeqertalimmi Aalisartut Piniartullu isumasioqatigiisinneqarnissaat anguniarneqassasoq isumaqatigiissutigineqarpoq 2021-mi aamma 2023-mi. Ilaatigut qilalugarniartarnermut tunngasoq aammalu ileqqoreqqusat nutarterneqarnissaat suliarineqarnissaallu eqqarsaatigalugit.

9. Kulturikkut timersornikkullu nukittorsaaneq:

Nipilersornikkut timersornikkullu sungiusarfissanik pitsaasunik pilersitinissaq anguniarneqassaaq. Minnerunngutsumik Aasianni nipilersornikkut sungiusartarfiup nutarterneqarnissaa isumaqatigiissutigineqarpoq. Qeqertaliup sinnerani sungiusartaqarfeqanngitsut pilersitsivigineqarnissaat.

Tapiisarnermut ileqqoreqqusap nutarterneqarluni aallartinneqarsimasup nangeqqinnissaa.

Timersornikkut Kulturikkut Pitsaaliunikkullu Islandimi periusaasimasup isumassarsiorfigigalugu inerisaasoqarnissaa isumaqatigiissutigineqarpoq. Politikerit atorfilittallu peqataatinneqassapput.

10. Ulloq unnuarlu angerlarsimaffiit/Qimarnguuiit

Nassueritigalugu nunarput tamakkerlugu meeqqanut inuusuttuaqanullu sumiginnakkanut ulloq unnuarlu angerlarsimaffinnik amigaateqartoqarnera, pisariaqartitsisoqarneralu Kommune Qeqertalimmi meeqqanut inuusuttuaqanullu ulloq unnuarlu angerlarsimaffiisinnaasumik pilersitsisoqarsinnaanerata Namminersorlutik Oqartussat suleqatigalugit misissorneqarnissaa isumaqatigiissutigineqarpoq.

Nassuerutigalugu Kommune Qeqertalimmi meeqqanik inuusuttuaqanilu angersimaffinni assigiinngitsuni toqqissiviillortitsisoqarnera, illoqarfinni tamani qimarnguinnik pilersitsisoqarsinnaanera misissorneqassasoq aamma isumaqatigiissutigineqarpoq. Meeqqeriviit fritidsklubbilluunniit periarfissaasinnaanersut misissorneqarsinnaapput.

11. Avatangiisigissaaneq – Illoqarfigississaaneq - Nunaqarfigissaaneq

Kommune Qeqertalimmi nunaqarfiit illoqarfiillu torersuullutillu avatangiisigissuunissaat anguniarneqassasoq isumaqatigiissutigineqarpoq. Assersuutigalugu suliffeqarfiit assigiinngitsut aammalu angerlarsimaffiit sumiluunniit eqqaminnik torersuutitsinissaat aamma takujuminartuutitsinissaat anguniarneqassasoq isumaqatigiissutigineqarpoq.

Kommune Qeqertalik kommunit allat Namminersorlutillu Oqartussat peqatigalugit eqqagassalerineq pillugu pigineqatigiiffiliornikuuvoq ESANI A/S eqqagassalerinermut tungatillugu pilersaarutit pilertornerusumik naammassineqarnissaat siunniunneqarpoq.

12. Sanaartorneq

Sanaartornerup inissialiortitsinerullu siammassissup anguniarneqarnissaa isumaqatigiissutigineqarpoq,

Kommunip illutai inissiat, meeqqat atuarfii, meeqperiviit, utoqqaat illui, innarluutillit angerlarsimaffii, kiffartuussiviillu pitsaassusaat misissoqqissarneqassapput aserfallattaaliinerup malinnaaffigineqarnissaa pingartillugu kiisalu nutaaliortoqartariaqalersillugu tulleriarinerit ingerlanneqassallutik.

Illoqarfinni tamani nunaqarfinnilu sanartorfigissaanerit pilersaarusioneqassapput. Aamma namminerluni illuliorniartunut atugassarisisitaasut periarfissallu pitsangorsarneqassapput.

Illoqarfinni tamani umiatsiaaqqanik kivitsissutit (kran) aammalu puttasut pilersikkiartuaarneqarnissaat pilersaarusioneqassapput. Aasiannilu umiatsiaaraleriffiup nutarterneqarnissaa qinigaaffiup iluani isumaqatigiissutigineqarpoq

Illoqarfinni tamanani kalaalimineerniarfiit ullutsinnut naleqquttut pilersinneqarnissaat isumaqatigiissutigineqarpoq.

Kangaatsiami nunaqarfinnilu ivigaasaaqqanik arsaattarfeqalernissaat anguniagassatut aamma isumaqatigiissutigineqarpoq.

Qeqertarsumi sisoraatinut majuartaatip piaartumik napparneqarnissaa sulissutigineqassasoq isumaqatigiissutigineqarpoq.

Kommune Qeqertalimmi innarluutillit pitsaanerusumik ataatsimoorussamik ineqartinneqarnerata pitsanngorsaavigineqarnissaa anguniagassatut isumaqatigiissutigineqarpoq.

Qeqertarsuarmi Amminik tunitsivissap naammassinissaa.

Aqquserngit inaarsangassat suliarineqarnissaat aammalu eqqaaveqarnerup aaqqiivigineqarnissaata nukinnguttariqanera isumaqatigiissutigineqarpoq.

Meeqperivinnik aammalu sunngiffimmi ornittakkanik (fritidsklubber) nutaanik pilersitsiortornissaq anguniagassatut isumaqatigiissutigineqarpoq.

Meeqqat atuarfiisaa aallaasarsimaartarfiinik piorsaanissaq nutarterinissarlu isumaqatigiissutigineqarpoq anguniarneqassasoq.

13. Kikkut tamarmik toqqissisimanartumik angerlarsimaffeqarnissaat anguniagaassaaq.

Kommune Qeqertalimmi inuttaasut toqqissisimanartumik angerlarsimaffeqarnissamik pisinnaatitaaffiat pitsangorsartuarneqassaaq, siunissani illuliarineqartartut tamarmik ineriartornermut atugarissarnermullu naleqquttunik atortorissaarfiussasut pingartillugit ineriartortitsineq ingerlatissavarput. Kommune Qeqertalimmi eqqakkanut annanullu kuuffilersuinissamik siunniussa qersarissarlugu pilersaarusioneqassasoq.

14. Kommune Qeqertalimmi upalugarsimaneq.

Kommune Qeqertalimmi upalugarsimanermi atortorissaarutit nutaanik sanartornermut malinnaanissaat eqqumaffigineqassooq, kiisalu kommune Qeqertaliup-mi sillimaniarnermut nanami imaanilu atortorissaarutititigut piorsaasoqarnissaa siunniunneqarpoq.

Inuit Ataqatigiit sinnerlugit gruppimi siulittaasoq:

Atassut:

Frantz Lundblad


Naja Kristensen